



KOPI PAHIT

Tengku bilang kerana mahu menolong Tuan Lim Yo Hock ia bersedia sampai masuk ke nereka sekalipun: Astaghfirullah, Tengku! Mengucap Tengku: Kerana api neraka sangat panasnya, tidak ada bandingan apa lagi kalau dibandingkan dengan api pembakaran Qalam dan Warta dahulu. Api pembakaran Qalam dan Warta tidak sebesar zarah pun jika dibandingkan dengan api neraka! Tuhukah Tengku?

Ada orang tanya: Mengapa ada perbuatan kekuasaan yang dilakukan oleh tentera di Sumatera (Indonesia) sekarang? Pertanyaan ini perlu dijawab dan diterangkan oleh Konsulat Indonesia kerana kalau orang lain menjawabnya tentu berlainan dari pengertian jabatan itu. Jabatan itu tentunya akan beri keterangan-keterangan memihak kerajaan (menyebelah P.N.I) sahaja- dan kerana itu tentunya bila-bila masa mencuba menutup matahari dengan nyiru! Hal ini sudah terjadi apabila persoalan Aceh timbul dahulu!

Surat-surat khabar Indonesia menyatakan suatu berita fitnah yang merosakkan nama baik kerajaan di sini! Mereka menyatakan bahawa pada 19 November 1956 orang-orang *Dār al-Islām* Aceh telah banyak datang ke Singapura, termasuk Perdana Menteri *Dār al-Islām* Acheh, Hasan Ali. Ketibaan mereka di sini dengan berpakaian tentera. Turun di Lapangan Terbang Changi (tentera) dan disambut oleh pegawai-pegawai tentera. Tentunya fitnah ini tidak diketahui oleh orang-orang di sini- yang tak tahunya orang-orang Indonesia kerana tidakkah kedatangan Kolonel Hasan Saleh, Panglima Tentera Islam Indonesia di Aceh dahulu dengan pakaian rasminya telah disambut oleh Konsulat Indonesia sendiri? Sungguh kalau betul, langkah-langkah ini selalu membawa fitnah sahaja supaya orang-orang di Indonesia memandang buruk kepada kerajaan di sini. Tidakkah begitu?

Perkara Albar mahu berhenti telah ribut beberapa lama dahulu sehingga Tengku menyatakan betul kalau bahawa kalau seseorang mahu berhenti tidak ada orang yang boleh menegah- *ahlān wasahlān*, tetapi ribut itu reda kerana “didiamkan” dan akhirnya Albar balik semula -tetapi adakah dengan *ahlān wasahlān* atau ada pula tetapi yang lain -hanya Albar dengan Tengku sahaja yang tahu.

“PAS” telah mengadakan persidangan di Kuala Lumpur. Mudah-mudahan persidangan ini berjaya dan dapat melaksanakan segala keputusan-keputusan yang ada terutamanya dalam cita-cita menegakkan kalimah Tuhan. Berjuanglah saudara-saudara dengan perjuangan yang tidak banyak bercakap tetapi bekerja. Sekali lagi bekerja supaya cita-cita bersama tercapai!

Berita-berita yang diterima di sini berpunca kejadian angkaranya Sumatera Utara dan Sumatera Tengah kepada Kerajaan Pusat Jakarta mengatakan bahawa Presiden Sukarno harus mahu jadi diktator. Bolehkah ia jadi diktator- perkaranya bergantung sokongan tentera tetapi kalau kekuatan tentera Indonesia yang ada sekarang tidaklah boleh diharap kerana janganlah melawan satu ketumbukkan sedang melawan Kahar Muzakkir di Sulawesi tidak sanggup- inikan pula dengan tambahan yang lain. Kita berani mengatakan begitu kerana ada bukti hitam di atas pusat- kalau tidak percaya boleh lihat sendiri bung! Kalau Sukarno diktator tentunya banyak lagi pemberontakkan berlaku- Kalau tidak percaya- cuba sama-sama kita lihat bung!

Berita-berita di Indonesia ribut mempersoalkan supaya dibuat sebuah istana untuk Presiden Sukarno di Bali berharga empat *million* rupiah. Ribut ini tentunya tidak lain; mengapa ber*billion-billion* wang untuk kesenangan Presiden sahaja sedang rakyat menderita. Sekali menderita? Dan apa pula ertiinya di Bali? Tidakkah cukup hanya yang ada sekarang di Bogor dan di Cipanas? Jawabnya tentu ada keistimewaan di Bali. Apa keistimewaan di sana masing-masing orang tahu- orang Indonesia atau orang-orang yang sudah pergi ke sana yang mengetahui adat orang-orang di Bali. Kalau orang-orang di sini tidak tahu kita anjurkan bertanya kepada Jabatan Penerangan Konsulat Indonesia supaya ada kerja-kerja mereka- kalau mahu tahu keterangan yang nyata lebih terang tanya sahaja kepada: